

可齋雜藁

可

書

附

錄

一

總校官庶吉士臣倉聖脉

校對官原任典簿臣郭祚熾

謄錄監生臣連彭年

欽定四庫全書

可齋雜藁卷三十二

宋 李曾伯 撰

詞

沁園春

丁酉春陪制垣齊安郡園曲水之集

形勝風流樂事良辰一時四并正榆更新火觴浮曲水
那堪上巳又是清明赤壁功名東坡文字俯仰人間無
古今詩書帥對烽烟靜晝俎豆添春水邊天氣催人
便須認楊花雪樣生慨英風滿席思旌綿上清談東閣

肯記蘭亭安得長繩高懸碧落繫住畫簷紅日陰柔桑
外聽鳴鳩喚雨全勝流鶯

又

庚戌為
親庭壽

鴻禧主人一閑半年未嘗厭閑謂有溪可釣有田可耕
有蘭堪佩有菊堪餐羽檄秋風胡笳夜月多少勲名留
漢闕如今且斂樽罍北海歌舞東山門前咫尺長安
但只恐綸音催禁班把鷺鬢數莖更因民白鷗心一片
猶為君丹藍綬兒癡綠衣家慶倦羽伶俜江漢還春光

小看庭闌歲歲一笑梅間

又

代為親
庭壽

軒冕儻來功名盃水行藏倚樓把方畧評梅工夫課柳
精神伴鶴談笑盟鷗草檄尋樵移文釣任江上東南
風未休君知否問如今綠野勝似青油從伊萬戶封
留算得似團圞歌笑不怕魏闕興思高車駟馬江湖難
著緩帶輕裘雪意何如新醪熟未樂事良辰聊獻酬從
今去更八千椿算纔一春秋

又代壽直院
陳文昌

今代清流北斗以南文昌一星對露門進讀鑾坡演翰
瑣闥批勅瑤牒成文筆下權衡胸中律度禮樂人才供
討論鴛行裏羨才高片玉輝映條冰幾年簡在吾君
便須把詩書開太平笑諸公炙手昔成何事一賢冷眼
今獨修名花底退朝槐邊聽制一武商巖霖雨新金壘
舉對春風九十歲歲平分

又乙未代壽
尤制帥

天下中庸千載一燈傳之自公有涵洪雅量陂澄千頃
堅凝定力壁立孤峯佐鼎調梅參帷借箸略試斯文經
濟功聽淮鶴暫素絲攬轡玉帳分弓 朝來鼓角聲雄
慶元帥新除初度逢任西風局面人皆頌洞福星堂上
我獨從容草檄傳燕開門釋蔡了却中原公衮東歸廊
廟把格天勛業與宋無窮

又 壬寅餞余
宣諭入蜀

畫舸呼風長劒倚天壯哉此行指洞庭彭蠡徧觀吳楚

瞿塘灩澦直上峨岷帝語春溫軍聲秋肅手濟時屯開
泰平天應是念蠶叢父老公為更生 眼看四海無人
今天下英雄惟使君想馳情忠武將興王業撫膺司馬
忍外吾民淨洗甲兵歸來鼎輔定使八荒同一雲經營
事比京河形勢更近函秦

又

庚子登鳳凰
臺和壁間韻

漫浪江頭三聽秋砧一登故臺望烟蕪莽蒼令人目斷
風檣掀舞何日眉開把酒新亭圍碁別墅老氣當時何

壯哉江東事百年無恙全是時才
紛然競付輕埃還
水遶賓心東向淮嘆阿奴儕輩因人碌碌迺翁材畧餘
地恢恢鳳闕天高鷺洲潮落約取白鷗歸去來闌干外
英雄陳迹一酌瓊盃

又再和

綺閣香銷玉砌夢殘淒涼舊臺對御溝紅葉一番木落
宮牆黃菊幾度花開水遶岷源山聯吳會目送征鴻安
往哉都休問六朝人物誰拙誰才
平生衮衮煙埃記

足馬當年荆蜀淮嘆凋零殆盡詞源已竭消磨未去酒
量猶恢八跪蠓肥四腮鱸美客有可人招不來油幢暇
凭闌一笑相與傳盃

又

和廣文叔有季秋
既望之約不及赴

目斷長空手拍危欄高興酒濃擬招呼短艇追陪飛蓋
一餐湘菊共賦芙蓉雁字沉秋鴉林噪晚幾陣蕭蕭雨
更風空凝佇不如一鶴隨意西東堪嗟樂事難逢愧
元伯巨卿千里從望文星聚彩交輝吳分天飈吹起獨

隔崑蓬野墅荒烟敗荷衰草人在可憐憔悴中還相念
願持觥薄罰別許從容

又

自和
即事

雨抹晴粧修眉鏡清寸碧翠濃對薰葭盡處叢叢烟樹
池塘側畔面面芙蓉千百棲鳥一行過雁時有婆娑
一笛風斜陽裏更青帘半捲在小橋東 佳人何日重
逢問還肯扁舟載酒從笑平生勁槩寸心如鐵中年老
態兩鬢成蓬荷鍾栽蔬腰鐮刈稻且寄西郊圖畫中空

回首望五湖鷗鷺心事客客

又再和

秋豈悲人人不悲秋比春更濃有蕙蘭丰度尚存芳菊
牡丹文獻猶在芙蓉舉蠅持醪得鱸作鱠晉宋間人有
此風休輕笑彼柴桑傲吏齷齪籬東携壺與客還逢
顧時許先生杖屨從嘆塵蹤如寄鷗鳬江海性真聊適
蜩鷗蒿蓬刮眼青天驚心黃葉立盡梧桐月正中淒然
久看物情終竟不似春容

又

甲辰餞尤木
石赴九江帥

大江之西匡廬之陰壯哉此州有舳艫千里旌旗百萬
襟喉上國屏翰中流彈壓鯨波指麾虎渡着此商川萬
斛舟青氍舊看敦詩說禮緩帶輕裘十年泉石優游
久高卧元龍百尺樓正九重側席相期巖弼一賢砥柱
聊試邊籌了却分弓歸來調鼎得見茂弘何復憂談兵
暇問琵琶歌曲無恙還不

又

甲辰壽
王總侍

北固臺端南渡後來無此偉人自從容佐鼎光華攬轡
幾年中外屬目經綸萬竈炊煙千艘漕雪手整江淮如
掌平詩書效看馬騰士飽酒好兵精平生餘事功名
豈管葛諸人能擬倫暫牙籌游戲小淹惟月金甌注想
便合為霖沆瀣一襟風流八詠秋入詩壇如許清為公
壽有黃花不老長伴香名

又錢鄧季謙赴班

攬秀岷峨著鞭江淮諸公所奇對塞垣煙淡相隨弓劍

城樓月落幾共燈棊驛柳搖黃溪桃漲綠穩赴春風度
玉墀亭衢去看紫薇紅藥太乙青藜孤山若放梅時
莫忘却揚州曾有詩悵莫游難駐堪憐隻影中年易感
祇付雙眉珍重交情勉旃時用回首岫雲從此歸能相
憶有好音遺我在水之湄

又 餞稅
巽甫

唐人以處士辟幕府如石溫輩甚多稅君巽甫以
命士來淮幕三年矣畧不能挽之以寸巽甫雖安

之如某歉何臨別賦沁園春以餞

水北洛南未嘗無人不同者時賴交情蘭臭綢繆相好
官情雲薄得失何知夜觀論兵春原弔古慷慨事功千
載期蕭如也料行囊如水只有新詩 歸兮歸去來兮
我亦辦征帆非晚歸正姑蘓臺畔米廉酒好吳松江上
蓴嫩魚肥我住孤村相連一水載月不妨時過之長亭
路又何須回首折柳依依

又

丙午登多景樓
和吳履齋韻